



16. april 2013

Inatsisartut suleriaasaat § 37 naapertorlugu matumuuna ataani allassimasut Naalackersuisunut apeqquteqaatigaakka:

Naalackersuisunut apeqqutit:

1. Inigisamut taarsigassarsinermi ernianut akileraarutigut ilanngaammik atulersitsiteqqinninneq Realkredit-mi taarsigassarsinerlu qanorpiaq aningaasatigut naleqassava?

1b: Naalackersuisut qanoq ilillutik aningaasartuut tamanna aningaasalissavaat?

2. Suliaqaqatigiit Kattuffiini ilaasortat tamarmik ullumikkut periarfissaqarput, pineqartunut aningaasartuutiminnik akileraarutigut ilanngaateqarnissamut. Naalackersuisut qinnuigaakka aningaasartuutininut assingusunut allanut taamatut periarfissiinissamik ammaassiniarlutik pilersaaruteqarnerlutik nassuiaateqaqqullugit. Soorlu assersuutigalugit: Napparsimmavinni pisortanit pigineqanngitsuni katsorsartinnernut, katsorsaavinni namminersortuni allani katsorsartinnernut, meeqqat atuarfiini pisortanit pigineqanngitsuni meerarisap atuarneranut nammineq akiliutinut kiisalu nammineq sipaakkanik namminersorluni suliffeqarfiutigisamut aningaasaliinermi akileraarutigut ilanngaat.

(Inatsisartuni ilaasortaq, Palle Christiansen, Demokraatit)

Tungavilersuut

Ataani allassimasoq Siumup, Atassutip kiisalu Partii Inuit suleqatigiinnissamik isumaqatigiissutaannit issuaaneruvoq:

"Illusinermi inissiamilluunniit pisinermi akiliutit erniaannik akileraarutigut tamakkiisumik ilanngaateqartoqarnissa periarfissaassaaq".

Suleqatigiinnissamik isumaqatigiissummi ilanngunneqanngilaq, qanoq tamanna aningaasatigut naleqassanersoq aamma aningaasartuutit qanoq aningaasalersorneqassanersut. Qularinnginnakku puiguluttornikkut tamanna ilanngunneqarsimangitsoq, Naalackersuisut matumuuna periarfississavakka pineqartoq pillugu akissuteqaqqullugit.

Apeqqummut nr 2-mut atatillugu, Demokraatit kissaatigaat inuiaqatigiit pilersissallugit sapinngisamik innuttaasut amerlanerpaat inuunerminnik sinaakkusersuisinnaassusillit. Tamanna anguneqarpat pisortatigut aqqissuussinerit oqilisaassiffigineqassapput. Assersuutigalugu, katsorsartinnissanut assigiinngitsorpasuaranut peqqinnissaqarfiup ataani ullumikkut utaqqisoqarpoq, utaqqisuniittut sivisuumik sulisinnaajunnaarsinneqartarnerannik tamanna kinguneqartarpoq taakkununga annaasaqarfiusumik, sulisitsisunut annaasaqarfiunnarnani naggataagut aamma inuiaqatigiinnut annaasaqarfiusarpoq. Ajornartorsiutinik qaangiiniarnerni periaatsit nutaat periarfissallu nutaat, innuttaaffigisatsinnut ajunngitsumik ineriartortitseqataalersinnaapput.



DEMOKRAATIT
DEMOKRATERNE

Tamanna tungavigalugu, Demokraatit soqutiginartippaat paasissallugu, apeqquteqaatini taaneqartut assigalugit akileraarutitigut ilanngaataasinnaasut assigiinngitsut allat atuutilernissaat Naalakkersuisut pilersaarutigineraat.

Ullut suliffiusut qulit iluini apeqquteqaatit akissuteqarfigineqassasut kissaatigaara.